

rire extra Ierusalem. Ierusalem, Ierusalem, quæ occidis Prophetas, & lapidas eos, qui mittuntur ad te, quoties volui congregare filios tuos, quemadmodum avis nidum suum sub pennis, & noluit? Ecce relinquetur vobis domus vestra deserta. Luc. 13. vers. 3...35.

*I. C. in domo Principis Phariseorum cibum sumpturus, Hydropicum sanat, multa dat præcepta de ambitione vitanda, pauperibus benefaciendum. Parabola de invitatis ad Cenam (cælum) magnam, omnia pro se relinquenda.*

CVI. Cum intraret Iesus in domum cuiusdam Principis Phariseorum Sabbato manducare panem, & ipsi observabant eum: & respondens Iesus dixit ad Legisperitos & Phariseos, Si licet Sabbato curare? at illi tacuerunt. Ipse vero Hydropicum sanavit, ac dimisit eum, & respondens ad illos, dixit: Cujus vestrum Asinus, aut bos in puteum cadet, & non continuo extrahet illum die Sabbati? Luc. 14. v. 1...5. Dixit & invitatis recumbendum semper esse in novissimo loco, ne alius honoratior nobis evocetur ad superiorem locum: omnis enim qui se exaltat humiliabitur, & qui se humiliat, exaltabitur. Luc. 14. vers. 8. 11. & 18. vers. 14. Matth. 23. vers. 12. Dicebat & ei, qui se invitaverat, convivia paranda esse non amicis, & divitibus ut retribuunt, sed pauperibus & infirmis, & retribuetur in resurrectione mortuorum. Luc. 14. vers. 12. 14. & alteri, qui beatum fore dicebat, qui panem manducabit in regno Dei. Iesus dat parabolam de Patre-familias, qui ad cœnam magnam vocaverat multos, & qui cum in hora cœnæ servum misisset, ut invitati venirent, iisque propter alias atque alias causas se se excusantibus, iratus Pater-familias pauperes & debiles undique evocatos introducendos voluit, & nemo illorum, qui vocati fuerant, cœnam gustavit. Luc. 19. vers. 14...24. & conversus ad turbas quæ secum ibant, dixit, qui se (Christum) sequi vellent, omnibus terrenis recuciandum esse, & unicuique crucem suam esse ferendam. Luc. vers. 25. ad finem.

*I. C. in domo cuiusdam Pharisei cœnans illotis manibus, Phariseoque propterea murmurante, Christus invehitur in Phariseos & Legisperitos, qui exteriora non interiora curarent, ipsique (Christo) insidiarentur.*

CVII. Rogavit illum quidam Phariseus, ut pranderet apud se, & ingressus recubuit. Phariseus coepit intra se reputans dicere, quare non baptisatus est (.i. non lavisset manus) ante prandium: & ait Dominus ad illum. Nunc vos Pharisei quod de foris est calicis, & catini mundatis: quod autem intus est vestrum plenum est rapina & iniquitate. Væ vobis Phariseis, qui decimatis mentham, & rutam, & omne olus: & præteritis iudicium & charitatem Dei. Hæc autem oportuit fa-

cere, & illa non omittere. Væ vobis Phariseis, quia diligitis primas cathedras in Synagoga, & salutationes in foro. Respondens quidem ex Legisperitis, ait: Magister, hæc dicens etiam contumeliam facis nobis. At ille ait: Et vobis Legisperitis væ, quia oneratis homines oneribus, quæ portare non possunt, & ipsi uno digito vestro non tangitis sarcinas. Væ vobis qui ædificatis monumenta Prophetarum, quos Patres vestri occiderunt, & testificamini, quod consentitis operibus Patrum vestrorum, & sanguis omnium Prophetarum, qui effusus est à constitutione mundi, requiratur ab hac generatione. Marc. 11. vers. 47...51.

Cum hæc ad illos diceret cæperunt Pharisei, & Legisperiti graviter insistere, & os ejus opprimere de multis insidiantes ei, & quærentes aliquid capere de ore ejus; ut accularent eum. Luc. 11. vers. 37...54.

*I. C. de peccatore pœnitentiam agente dicit cælum letari.*

Erant appropinquantibus ei (Christo) publicani, & peccatores ut audirent eum. Pharisei autem, & Scribis murmurantibus, quod Christus cum Publicanis, & peccatoribus sæpius esset, & manducaret. Dedit parabolas de Pastore, qui ovem perditam ad ovile reduxerit. Matth. 18. vers. 12. 13. Luc. 15. vers. 4. 6. de Muliere quæ drachmam amissam invenit. Luc. ibid. 8. 9. de Patre-familias, qui Filium prodigum ad se redeuntem benigne suscepit. Luc. ibid. vers. 11...32. qui cum omnes lætati fuerint, quod quæ perierant, receperint: sic & gaudium magnum fore in cælis super uno peccatore pœnitentiam agente. Matth. 18. vers. 14. Luc. 15. vers. 10.

*I. C. Discipulis suis dat plures parabolas, & præcepta.*

De villico bona Domini sui dissipante, CIX. sed qui debitoribus suis plurimam partem remittens gratiam Domini receperit. Luc. 16. vers. 1...8. de divite Epulone, & Lazaro mendico, qui mortui, hic in sinum Abraham receptus, ille in infernum detrusus sit. Luc. 16. vers. 19. ad finem de scandalis vitandis, de Fratri semper condonando. Luc. 17. v. 1...4. de servo qui ab agro domum regressus statim ministrat, ut & nos cum facimus quæ præcepta sunt nobis, nihil facimus quam quæ facere debuimus, & semper servi sumus. Luc. 17. 7...10.

*I. C. interrogatus à Phariseis de adventu judicii sive Regno Dei.*

Respondet quod erit ut fulgur coruscans CX. sub cælo, ut diluvium in diebus Noe, ut perditio Sodomorum in diebus Lot. Nescitur enim hora, quæ venturus sit filius hominis. Luc. 17. v. 20. ad finem. Matth. 24. v. 15. ad finem. Mar. 13. v. 14. ad finem. de vidua quæ ob importunitatem à iudice iniquo sententiam obtinuit. Luc. 18. v. 1...5. de Pharisei & publicani precibus: sive de iis qui sibi nimis fidentes alios aspernantur, & de